





《續修四庫全書》編纂委員會編

續修四庫全書

上海古籍出版社

# 一一七〇・子部・雜家類

西園聞見錄一百七卷（卷八十一至卷一百七）〔明〕張 萱撰.....一

灌纓亭筆記十卷附禮記集說辯疑一卷 〔明〕戴 冠撰.....四二九

寓圃雜記十卷 〔明〕王 鑄撰.....五〇七

復齋日記一卷 〔明〕許 浩撰.....五四一

磯園碑史三卷 〔明〕孫繼芳撰.....五四七

病逸漫記不分卷 〔明〕陸 純撰.....五七五

孤樹袁談十卷 〔明〕李 默撰.....五七九

西  
京  
聞  
見  
錄

三

〔明〕張萱撰

據上海圖書館藏民國二十九年  
哈佛燕京學社印本影印原書版  
框高一七八毫米寬二二八毫米

西園聞見錄卷之八十一目錄

兵部三十

勦捕中

往行

王瓊

王守仁

鄭文盛

姜儀

陳克毛

周津

林俊

劉暉

吳口

吳履

潘希曾

陶諧

西園聞見錄卷之八十一

嶺南 張萱子奇甫 輯

兵部三十

勦捕中

往行

王公瓊在本兵時適湖州孝豐縣湯麻九反勢頗猖獗浙江巡按御史解冕奏聞朝廷下兵部議公呼齎本人至兵部大言數之曰湯麻九不過一毛賊耳只消本處差數十火夫縛之此何足奏報欲朝廷發兵殊傷國體此御史不職考察卽當論罷矣齎本人回浙江傳此語一時皆以湖州江南重地朝廷不肯處分倘賊勢蔓延卒不可撲滅本兵甚爲失策賊人貨知此恣意劫略不設隄備先是戶部爲查處錢糧差都御史許廷光在浙江公卽請密勅許公討之且授以方略許公卽命憲副彭姓者潛提民兵數千餘出其不意乘夜而往賊人方據掠回聚酣飲

西園聞見錄卷之八十一

卷之八十一

兵適至擒斬無一人得脫者爾時若朝廷命將遣兵彼必負固拒命勞兵費財亦已甚矣晉溪此舉善不煩一族不損一財而地方寧定謀之廟堂之上定數于數千里之外所謂折衝于俎豆者非耶桶岡橫水左溪諸賊荼毒三省其患雖同而事勢各異以湖廣言之則桶岡諸巢爲賊咽喉而橫水左溪諸巢爲之腹心以江西言之則橫水左溪諸巢爲賊之腹心而桶岡諸巢爲之羽翼時王公守仁提督軍務議曰今不先去橫水左溪腹心之患而欲與湖廣夾攻桶岡進兵兩寇之間腹背受敵勢必不利今議者紛紛皆以爲必須先攻桶岡而湖廣剋期乃在十一月初一日賊見我兵未集而師期尚遠且以爲必先桶岡勢必觀望未備今若出其不意進兵速擊可以得志已破橫水左溪移兵而臨桶岡破竹之勢蔑不濟矣乃決意先攻橫水左溪密切分布哨道令都指揮僉事許清率兵千餘自南康縣新溪入知府邢珣率兵千餘自上猶縣石人坑入知縣王天興率兵千餘自上猶縣自面入令其皆會橫水使守備指揮鄭文率兵千餘自大庾縣義安入知府唐淳

率兵千餘自大庾縣姦都入知府季敷率兵千餘自大庾縣應下入縣丞舒富率兵千餘自上猶縣金坑入令其皆會于左溪知府伍文定知縣張載候各兵齊集令其從上猶南康分以遇奔衡王公亦親率千餘人自南康進屯至坪期直搗橫水以與諸軍會而兵備副使楊璋分守參議王宏監督名營官兵往來給餉以促其後分布既定乃于十月初七日夜各哨齊發初九日兵至南康初十日進屯至坪使間諜四路分探皆以爲諸賊不虞官兵率進各巢皆鳴鑼聚衆往來呼噪奔走爲分投禦敵之狀勢甚張皇然已于各險隘皆設有滾木壘石度此時賊已據險勢未可近乘夜遂進十一日小餉未至賊巢三十里止舍使人伐木立柵開塹設堠示以久屯之形夜使報効聽選官雷濟義官蕭庚分率鄉兵及樵豎善登山者四百人各與一旗齋銃砲鎗使由間道攀崖緣壁而上分列遠近極高山頂以規賊張旗熾爇茅爲數千炬度我兵旦至險則舉砲燃火相應十二日早兵進至十八面隘賊方據險迎敵驟聞遠山頂砲聲如雷焰四起我兵復呼噪奮逼銃箭齊發賊皆驚

西蜀圖見錄

卷之八十一

馬首中

二

潰失措以爲我兵已盡入破其巢穴遂棄險退走預遣千戶陳輝高睿分率壯士數十緣崖上奪賊險盡發其滾木壘石我兵乘勝驟進呼鳴聲震天地指揮謝靈馮廷瑞率兵由間道先入盡焚賊巢賊退無所據乃大敗潰遂破長龍巢破十八面隘巢破仙鶴頭巢破狗腳嶺巢又破菴背巢破白藍橫水大巢先是大賊首謝志山蕭貴橫等輩以橫水居衆險之中倚以爲固聞官兵四進倉猝分衆扼險出禦甚力至是見橫水煙焰障天銳砲之聲撼搖山谷亦各失勢棄險走各哨官兵乘之皆奮戰而入知府邢珣遂破磨刀坑巢破茶坑巢破茶潭巢知縣王天興破樟木坑巢破石王巢都指揮許清破鷄湖巢破楊梅巢俱至橫水知府唐淳破羊牯腦巢破上關巢破左溪大巢守備指揮鄭文破獅子寨巢破義安巢破苦竹坑巢指揮余恩破長流坑巢破牛角窟巢破鸞籠坑巢縣差官富礪碧坑巢破赤坑巢破竹壩巢知府季敷破上西峯巢破狐狸坑巢破銓巖巢俱會左溪守巡各官亦隨後督兵而至是日擒斬首從賊人賊級并俘獲賊屬男婦奪回被擄人口牛馬財物皆

仗數多其餘自相踩踐墮崖墳谷而死者不可勝計當是時賊路所由皆刊崖倒樹設阱埋簽不可行我兵晝夜涉深洞踏叢棘遇險絕則懸繩崖樹魚貫而上猿臂而下往往失足墮深谷幸而不死經數日始能出谷兵已至橫水左溪困甚不復能驅逐會日已暮遂令收兵屯劄次早大雨霧咫尺不辨連數日不開乃令各營休兵享士而使鄉導數十人分探漢賊所往并未破巢穴動靜十五日各得鄉導報謂諸賊分陣預于各山絕險崖壁立有柵寨爲退保之計有復合聚于未破之巢者俱不意我兵驟入未及搬運糧穀若分兵四散追擊可以盡獲禦計湖廣夾攻在十一月初一日期已漸迫此去桶崗尚百餘里山路險峻三日始能達者若此中之賊圍之不克而移兵桶崗分備多前後顧瞻非計之得乃令各營皆分兵爲奇正二哨一攻其前一襲其後冒霧速進分投急擊十六日知府邢珣攻破旱坑巢知府季敷守備指揮鄭文攻破穩下寨李家坑巢十七日知府唐淳攻破縣第城巢十八日都指揮許清攻破朱雀坑巢村頭坑巢黃竹拗巢觀音山巢十九日指揮余恩

西蜀圖見錄

卷之八十一

馬首中

三

攻破梅伏坑巢石頭坑巢二十日知府邢珣又攻破白封龍巢芒背巢知縣王天興攻破黃泥坑巢大富灣巢二十二日縣丞舒富攻破白水洞巢本日知府伍文定知縣張載兵亦至二十四日知府伍文定攻破寨下巢知縣張載攻破杞州坑巢二十五日知縣張載又破朱坑巢知府伍文定破楊家山巢二十六日知府季敷又破李坑巢都指揮許清又破川坳巢二七日守備指揮鄭文破長河洞巢連日各擒斬首從賊人賊級并俘獲賊屬男婦奪回被虜人口牛馬財物多是日各營官兵請乘勝進攻桶崗但桶崗天險四面峭壁萬仞中盤百餘里連峯參天深林絕谷不睹日月中所產旱稻薯蕷之類足飽凶歲往者亦常夾攻坐困數月不能俘其一卒竟以招撫爲名而罷及詳詢嚮導其所由入惟鎖匙籠胡蘆洞茶坑十八磊新地五處然皆架棧梯壘夤緣絕壁而上賊使數人于崖嶺坐發壘石可無執兵而禦我師惟上章一路稍平然深入湖廣迂回取道半月始至湖兵旣從彼入而我師復往事皆非便今橫水左溪餘賊皆已奔入其中固難合勢爲守必力善戰者其

勢險其節短今我欲乘全勝之鋒兼三日之程長驅百餘里而爭利彼若拒而不前頓兵幽谷之底所謂強弩之末不能穿魯縕矣今若移屯近地休兵養銳振揚威聲先使人諭以禍福彼必懼而請服及或有不從者乘其猶預襲而擊之乃可以逞乃使素與賊通戴罪義官李正嚴醫官劉福泰釋其罪并縱所獲桶齒賊鍾景于二十八日夜懸壁而入期以初一日早使人于鎮匙籠受降賊方甚恐見三人在皆喜乃集衆會議而橫水左溪奔入之賊果堅持不可往復遲疑不暇爲備遣縣丞舒富率數百人屯鎮匙籠促使出降而使知府邢珣入茶坑知府伍文定入西山界知府唐淳入十八壘知縣張載入葫蘆洞皆于三十日乘夜各至分地遇大雨不得進初一日早冒雨登大賊首藍天鳳方就鎖匙籠聚議聞各兵已入險皆驚愕散亂猶驅其衆男婦千餘人據內隘絕壁隔水爲障以拒知府邢珣之兵渡水前擊張載之兵衝其右而伍文定之兵自張載右懸崖而下遠賊傍擊賊不能支且卻及午雨齊各兵鼓奮而前乃敗走縣丞舒富知縣王天興所領兵聞前山兵已

日知府唐淳又破杉木坳巢十三日又破東桃坑巢破龜背巢連日各擒斬俘獲數多其間嚴谷溪壑之內鐵鐵病瘡顛仆死者不可勝數于桶齒之賊略盡公親行相視形勢據險立隘使卒數百斬木棧崖鑿山開道又使典史梁儀領卒數百視橫水創築土城周圍千餘丈亦設隘以奪其險議以其地請建縣治控制三省諸猺斷其往來之路方爾經營十六日據防遏推官徐文英呈稱廣東黃魚等巢被湖兵攻破賊黨男婦千餘突往鷄湖新地穩下朱雀坑等處公復遣知府季敷分兵趨朱雀坑等巢知府伍文定趨穩下雞湖等處守備指揮鄭文知府邢珣趨上新地方等處各相機急勦二十日知府伍文定兵擊賊于隱下寨西峯苦寨竹坑寨長河壩寨黎坑寨二十三日守備指揮鄭文知府邢珣擊賊于上新地寨知府伍文定又進擊于雞湖巢十二月初三日知府季敷擊賊于朱雀坑寨狐狸坑寨擒斬首從賊徒俘獲賊屬奪獲賊仗數多于是奔遁之賊始盡然以湖廣二省之兵合雖近境之賊悉已掃蕩而四遠奔突之虞難保必無乃留兵二千餘分屯茶寮橫水等隘而以是月初九日回軍近縣以休息疲勞候二省夾攻盡絕然後班師兩月之間通計搗過巢穴八十餘處擒斬大賊首謝志山藍天鳳等八十六名額從首級三千一百六十八名額俘獲賊屬二千三百二十一十四名口奪回被虜男婦八十三名口牛馬駢六百八隻匹賊仗二千一百三十一件金銀一百一十三兩八錢一分總計首從賊徒賊屬牛馬賊仗八千五百二十五名額口隻件俱經行令轉解紀功官處審驗紀錄外公疏報曰參照大賊首藍天鳳謝志山等盤據千里荼毒數郡僭擬王號圖謀不軌基禍稔惡且將數十餘年而虐殺之熾盛毒流之慘極亦已數年于茲前此亦常夾勦曾不能損其一毛屢加招撫適足以長其桀驁乃今驅卒不過萬餘用費不滿三萬兩月之間俘斬六千有奇破巢八十有四渠魁授首噍類無遺是皆仰仗朝廷威德之庇廟堂處置得宜既假以賞罰之權又專以提督之任故臣得以伸縮自由舉動如志奉成算以行事循方略而指揮將士有用命之美進止無掣肘之虞則是追獲獸兔之捷責由發縱指示之功臣等偶叨任使豈敢

冒其績夫謀定于帷幕之中而決勝于千里之外命出于廟堂之上而威加百蠻之表瓊等復爲朝廷國議有人質且自幸其所遭得以苟免覆錄之戮也及照監軍副使楊璋參議黃宏領兵都指揮僉事許清都指揮行事指揮使鄭文知府邢珣季敷伍文定唐淳知縣王天興張戰指揮余恩馮翔縣丞舒富隨征參謀等官指揮謝昶馮廷瑞董明德同知朱憲推官危壽徐文英知縣陳允諧黃文鷺宋塔陸敬千戶陳偉高睿等以上各官或監軍督餉或領兵隨征悉皆深歷危險備嘗艱難各効勤苦之力共成克捷之功俱合甄錄以勵將來伏願皇上不彰廟堂之上賞兼收行伍之微勞激勸既成功庸益集自然盜賊寢息百姓安生則地方幸甚等因具奏正德十三年三月二十八日奉聖旨遣賊首藍天鳳謝志山等盤據千百餘里荼毒三省地方基禍稔惡已非一日今王守仁等親臨巢穴運籌調度卒不過萬餘用費不滿二萬兩而兩月之間醜類悉已勦平成功可喜尙差來人陞一級賞綺絲一套新鈔一千貫王守仁先寫勅獎勵有功職員人等該陞賞的兵部都查議了

卷之八十一

西漢書

六

監許滿先于巡撫都御史計議行事克有成功所據各官俱有勞績亦合普加恩典以示激勸其餘有功副使楊璋等候御史屠僕紀功又冊封日卽行議獎奏請陞賞中間先參言罪人員今既有功亦論功異多寡應否准贊錄由具奏定奪但賞罰出自朝廷瓊等俱不敢擅擬伏乞聖裁正德十三年四月十八日具題奉聖旨是各官既勦賊成功地方有賴王守仁陞右副都御史并許滿各廕他子姪一人做錦衣衛世襲百戶先參有罪今次有功的也分別明白來說爾兵部累次擬奏方略指授得宜功可加尙王瓊通此着寫勅獎勵南贛盜賊其在南安之橫水桶崗諸巢則接境于湖郴在贛州之浰頭岑崗諸巢則連界于閩廣接湖郴者賊衆而勢散恃險以負固連閩廣者賊狹而勢聚結黨以相援總督王公守仁遂奉勅諭及查兵部咨示方略初議先攻橫水次攻桶崗而末乃與廣東會兵徐圖浰頭如攻堅木先其易者後其節目正德十二年九月王公守仁議將進兵橫水恐浰賊乘虛出擾思有以阻離其黨乃自爲告諭且述禍福利害使報効生員黃表義民周詳等往諭各賊因皆賜以銀布一時賊黨亦皆多感動各寨酋長黃金榮劉遵劉相眉溫仲秀等皆願從表等出投惟大城首池仲容獨憤然謂其衆曰我等做賊已非一年來招又非一次此何足憑待金巢等到官果無說我等遣人出投亦未爲晚其時兵力旣未能分意日羈縻令勿出爲患故亦不復與較金巢等至公乃釋其罪推誠厚撫各願出力殺賊立功於是藉其衆五百餘悉以爲兵使從征橫水十月十二日已破橫水仲容等聞知始懼計必以次加丘子是集其酋豪池仲寧高飛甲等謀使其弟池仲安率老弱二百餘徒亦赴所投盡空種類殲滅往年平寇未有用力如此之易而成功如此之速者也皆仰賴皇上聖明英武先機決斷故瓊等幸効一時之愚而王守仁逆知其官果能諳曉兵法料敵取勝兵分十哨各自爲戰所向勢如破竹巢穴盡空種類殲滅往年平寇未有用力如此之易而成功如此之速者也例將守仁照例陞職廕予以酬其功其巡撫江西都御史孫燧同心協謀區畫兵餉巡按御史屠僕振揚風紀數實功罪及原任鎮守江西太戰陳僕有軍功所當先錄伏望聖明俯照卽年平寇陞廕有功官員事例將守仁照例陞職廕予以酬其功其巡撫江西都御史孫燧同心協謀區畫兵餉巡按御史屠僕振揚風紀數實功罪及原任鎮守江西太

萬竟不能大勝後雖敗遜所殺傷亦略相當近年以來奸謀愈熾惡焰益熾官府每以調狼兵恐之彼輒謬曰狼兵易與耳縱調他來也須半年我縱避他只消一月其意謂狼兵之來不能速其往不能久也是以益無忌憚今已僭號設官奸計逆謀尤非昔比必欲除之非大調狼兵事恐難濟公以爲兵無常勢在變化而制勝今各賊狃于故常日謂必待狼兵而後敢攻此所以不必狼兵而可以攻之也乃爲密畫方略使數十人各歸部集候我兵期則據險遏賊十一月賊聞公復破桶齒益

懼爲戰守備公使人至賊所賜牛酒以察其變度不可隱則詐稱龍川新民盧珂鄭志高等將掩襲之是以爲防非敢慮官兵也公亦陽信其言因復陽怒盧珂鄭志高等擅兵仇殺移檄龍川使廉其實且

誘各賊伐木開路將回兵自浰頭取道往討之賊聞以爲公實有討之意又恐假道伐之且喜且懼因遣人來謝且請無勞官兵當悉力自防禦之盧珂鄭志高陳英者皆龍川舊招新民有衆三千餘遠近皆爲仲容所脅而三人獨與之抗故賊深仇忌之三人各來告變謂池仲容

等僭號設官今已點集兵衆號召遠近名巢賊首授以總兵都督等僞官使候三省夾攻之兵一至即同時並舉與我等官爵金龍霸王印信文書一紙粘狀來首公先以謀知其事及三人首時陽怒其造不根之言乘機誣陷且池仲容方遣其弟領兵報効安得有此遂收縛三人將斬之時池仲容之屬方在營見珂入首大驚至是皆喜躍拜懼呼競訴

珂等罪惡公因亦陽令具狀謂將并拘其屬盡斬之于是遂械繫盧珂等而使人密諭其意曰使珂等遣人歸集其衆候珂等旣還乃發公又使生員黃表聽選官雷濟往諭仲容使勿以此自疑矯其所親信陰說之使自來投訴二十日公兵已還贛乃張樂大享將士下令城中今南安賊巢悉以掃蕩而剝頭又皆歸化地方自可以無虞民久勞苦亦宜暫休爲樂逐散兵使各歸農池仲容亦領衆歸報其兄曰云盧珂等雖繫于此恐其黨致怨捕爾不虞仲安歸言其故賊衆皆喜遂弛備公使指揮余恩齋曆往賜諭仲容等令毋撤備以防盧珂諸黨賊衆黃表雷濟因復說仲容今官府安輯勞來爾等何不可親往謝况珂等日夜哀

西園聞見錄

卷之八十一

八

卷之八十一

九

九

訴反狀乞官府試拘爾等若不至者即可以證反狀之實今若不待拘而往因面訴之官府必信爾無他而謂珂等爲詐殺之必矣所購親信復從旁力贊仲容然之乃謂衆曰若要伸先用屈贛州伎倆亦須親往勘破遂定議率其麾下四十餘人自詣贛公探知仲容就道密先行屬縣勒兵分哨候報而發又使千戶孟俊先至龍川督集珂等兵然道經浰巢恐搖諸賊則別齎一牌以拘捕珂等黨屬爲名各賊果遁迎復出爲意閏十二月二十三日仲容等至贛見官兵已散街市多張燈設戲爲樂信以爲不復用兵密往覘珂等又果械繫大喜遣人歸報其屬乃曰吾事始得萬全矣公乃夜釋珂等使歸發兵而令所屬官僚次設牛酒日犒仲容等以緩其歸正月三日度盧珂等已至家屬縣勒兵當已大集公乃設犒于庭先伏甲士引仲容入并其黨悉擒之出珂等首狀訊鞠皆伏遂悉寘獄而夜使人趨營屬縣兵期以初七日同時入巢於是知府陳祥兵從和平都入指揮姚璽兵從烏虎鎮入千戶孟俊指揮

余恩兵從平地水高沙堡入推官危壽知府邢珣守備指揮鄭文知府季敷皆以各路入公自率帳下官兵從龍南縣冷水逕直撲下浰大巢而使各哨分路同時並進會于三浰先是賊徒兵已散處至是驟聞官兵四路並進皆驚懼失措乃分投出巢而悉其精銳千餘據險設伏併勢迎敵于龍子嶺我兵聚爲二衝犄角而前指揮余恩首與賊遇大戰良久賊敗王受等奮追至賊伏兵四起奮擊王受後推官危壽所領義官葉芳兵鼓噪而前千戶孟俊兵從傍繞衝賊伏于是賊乃大潰呼聲震山谷我兵乘勝逐兵遂克大巢三浰已破皆奮勇齊進各賊皆潰陳祥兵遂破熱水巢五花草巢姚璽兵遂破淡方巢石門山巢上下陵巢邢珣兵遂破芳竹湖巢白沙巢鄭文兵遂破曲潭巢赤塘巢季敷兵遂破古坑巢三坑重是日擒斬首從賊級俘獲男婦牛馬器仗數多其餘墮崖墳谷死不可勝計是夜賊復奔聚未破巢穴早乃令各哨官兵探賊所往分投急擊初十日陳祥兵破鐵石障巢羊角山巢獲賊首金龍霸王印信旗袍邢珣兵破黃田坳巢姚璽兵破岑岡巢余恩兵破塘舍

續修四庫全書 子部 雜家類

六

洞巢溪尾巢初十日孟俊兵破大門山巢危壽兵破鎮里寨巢十一日  
邢珣兵破中村巢鄭文兵破半逕巢都坑巢尺八嶺巢季敷兵破新田  
逕巢古地巢余恩兵破空背巢舒富兵破旗嶺巢頓岡巢十三日孟俊  
兵破狗脚坳巢水晶洞巢藍州巢十六日危壽兵破風盤巢茶山巢又  
各擒賊首從首級并俘賊屬男婦牛馬器仗數多然各巢奔敗之賊其  
精悍者尙八百餘徒復咱聚于九蓮大山扼險自固公看得九蓮山勢  
極高亘數百餘里四面斬絕我兵既不得進而其內東接龍門山後諸  
處賊巢以百數賊若奔往其間必誘激諸巢相連而起勢益難制因得  
賊所屯據崖壁之下一道可通然賊已據險自上發石滾木我兵百無  
一存全于是乃選精銳七百餘人皆衣所得賊衣佯若奔潰者乘暮直  
衝賊所據崖下澗道而逼賊以爲敗散之黨皆從崖上招呼我兵亦佯  
與應賊疑不敢擊及已度險遂得扼斷其後路次日賊始知爲我兵併  
設伏以待賊果分隊潛逃二十五日陳祥兵覆賊于五花陣邢珣兵覆  
西漢見錄 卷之八十一

賊于白沙余恩兵覆城于銀坑水二十七日姚璽兵覆賊于烏虎鎮危  
壽兵覆賊于中村季敷兵覆賊于北山又戰于風門奧其餘散殘黨尙  
三百餘徒分逃上下坪黃田坳諸處各哨官兵復粘隊會追二月初二  
日知府陳祥兵復與賊戰于和平初五日復戰于上坪下坪初八日推  
官危壽指揮余恩兵復與賊戰于黃田坳十二日知府陳祥兵復與賊  
戰于鐵障山十四日縣丞舒富兵復與賊戰于乾村又戰于梨樹十六  
日知府邢珣季敷兵復與賊戰于笏竹湖二十三日縣丞舒富兵與賊  
戰于北順戰于和洞二十六日守備鄭文兵復與賊戰于水源戰于長  
吉戰于天堂寨連日擒殺首從賊人賊級數多三月初三日據鄉導人  
等四路爪探又皆以爲各巢積惡光狡之賊皆已擒斬略盡惟餘黨張  
仲全等二百餘徒其間多係老弱及遠近村寨一時爲賊所驅脅從惡  
未久之人今皆勢窮計迫聚于九蓮谷口呼號痛哭誠心投招公遣有  
生員黃表往驗虛實果如所探因引其首甲張仲全等數人前來投見  
訴其被脅不得已之情量加責治隨遣知府邢珣往撫其衆籍其名數  
遂安插于白沙初七日知府邢珣等稱我兵自去歲二月從征閩寇迄  
今一年有餘未獲少休今幸各巢賊已掃蕩餘黨不多又蒙撫順招安  
况今陰雨連綿人多疾疫兼之農功已動人懷耕作合無俯順下情還  
師息衆及義官葉芟并各鄉村居民亦告前情公因親行相視險易督  
同副使楊璋知府陳祥等經理立縣設監可以久安長治之策留兵防  
守而歸蓋自本年正月初七日起至三月初八日止前後兩月之間通  
共撫過巢穴三十八處擒斬大賊首二十九名額次賊首三十八名額  
從賊二千零六名額俘獲賊屬男婦八百九十三口奪獲牛馬一百二  
十三隻匹器械賊什二千八百七十件把職銀七十九兩六錢六分按池  
仲容等荼毒萬民騷擾三省陰圖不軌積有年歲設官僭號罪惡滔天  
比之上猶諸賊尤爲桀骜難制蓋上猶諸賊雖有僭稱不軌之名而徒  
惟劫掠焚燒是嗜至于浰頭諸賊雖亦剽劫擄掠是資而實懷僭擬對  
據之志故其招致四方無籍隱匿遠近妖邪日夜窺圖漸成奸計兼之  
賊首池仲容仲安等人皆力博羣虎捷競飛猱兇惡之名久已著聞四  
方賊黨素所向服負固恃頑屢征益熾前此知其無可奈何亦惟苟且  
招安以幸無事其實無救荼毒之慘益養奸宄之謀前此亦常夾攻二  
次計勦數番以兵則前者強而今者弱前者數萬而今者數千以時則  
前者期年而今者兩月以費則前者再倍而今者十一然而計功較績  
顧反有加于昔者何哉實由朝廷之上明見萬里洞察往弊處置得宜  
既假以賞罰之權復假以提督之任既以兵忌遼制而重各省專征之  
責又或事各牽狃而抑守臣干預之請授之方略而不拘以制責其成  
功而不限以時以故詔旨一頒而賊先破胆奪氣咨文一布而人皆環  
躍爭先効謀者知無阻撓之患而務竟其功希責者知無侵削之弊而  
畢致其力是乃所謂得先勝之算于廟堂收折衝之功于樽俎實用兵  
之要道制事之良法也事每如此天下之治有不足成者矣

仁左右及麾下將校至郡邑輿臺之類又多爲之耳目守仁徵得老練最黠者致密室而脅之曰汝自知當死否肯爲極言賊情責吾貨汝隸迫則盡吐賊情責守仁笑而貸之乃故爲不可測意在此則示以彼或更在彼則示以此每令形家者擇吉日出師則復止之或將發復不果以多方誤賊而陰勦諸兵備道幕遷郡邑材官力士以三之一赴軍門使與舊兵參而身教之擊射明賞罰以勵之時初戰破賊于長富村追之至象湖山會聞廣兵至且大合賊迫演圍而出指揮單桓縣丞紀鑑戰死諸將懼請俟狼兵至而後大舉守仁怒責之曰戰小挫何損且兵豈不足耶而需狼兵乃親率所選士進屯上杭佯諭諸道姑以牛酒犒師使小息俟秋而再舉諭知賊懈卽分兵爲三路約以同夕卯枚進中軍奪象湖之隘方大戰而奇兵乘間發遂大破之閩廣兵亦盡破其巢四十三所斬獲大酋詹師富等七千有奇賊屬牛馬輜重無算捷上因請立崇義縣治盡得賊之要害地而耕之報可加歲俸一秩賜銀幣而前是守仁謂巡撫權輕不足以控壓諸道因上奏云古者賞不踰時罰

卷之八十一

西園聞見錄

不後事過時而賞與無賞同後事而罰與不罰同况過時而不賞後事而不罰其何以整齊衆心鼓舞士氣誠得以大軍誅賞之法責而行之于平時假臣等令旗令牌便宜行事如是而兵不精賊不平臣無所逃死大司馬王瓊讀而嘆曰不與此人權將誰與也覆奏改提督軍務兵馬糧餉采聽便宜區畫用兵進止不必奏聞文武官逗遛不用命者聽

軍奪象湖之隘方大戰而奇兵乘間發遂大破之閩廣兵亦盡破其巢四十三所斬獲大酋詹師富等七千有奇賊屬牛馬輜重無算捷上因請立崇義縣治盡得賊之要害地而耕之報可加歲俸一秩賜銀幣而前是守仁謂巡撫權輕不足以控壓諸道因上奏云古者賞不踰時罰

卷之八十一

西園聞見錄

貴州地扼塞險阻林箐蒙密易藪匿爲寇諸苗生長山谷性驚悍嗜殺守臣或時科擾傍民多因緣爲姦利故詔苗輒相燔爲亂正德十二年時青平衛車枕等寨苗反其苗阿傍阿皆阿華皆僭稱王據香爐山爲巢穴糾合苗衆焚劫居民蔓及興隆偏頭平越新添龍貴諸鎮道阻不

卷之八十一

西園聞見錄

通巡撫都御史曹忤同鎮巡諸臣撫諸路兵以都指揮周吉部領參議蔡潮監視且勦且撫會祥還秋去都御史鄒文盛代諸苗負固不聽撫事聞上下重書命又盛勦之別勦湖廣巡撫都御史秦金總兵官金英以兵會文盛檄湖廣四川兵未至先集貴州兵以參政胡濂參議蔡潮都指揮潘勳指揮余大倫各監統諸將進擣砲木寨伏兵計擒賊首阿革進擣羅襍寨擒賊從阿二阿黎正德十三年指揮滿弼王言金章等率遊兵巡徼遇苗賊衆三百餘人自香爐山突出至大岐坡弼等四面邊擊殺五十餘人賊退奔據白崖無何副總兵李瑾帥湖廣兵至貴州程番安順諸路及四川播州酉陽兵俱先後至又募土兵亦集又盛等乃相賊巢險易分兵五咱命參將洛忠都指揮劉麟陶霖王璽總鎮實挾詐以老我王師且列其亂狀守仁復陽怒杖責盧珂等下之獄而

續修四庫全書 子部 雜家類

八

之山四壁立陡絕高險惟險路五處逢連上賊皆築砦柵守禦官兵稍近則木石毒弩俱下官兵用火銃焚其寨柵賊隨以水沃滅之諸將仰攻數日不能克乃以意製鐵苗爬山虎繩梯等具督令宣慰彭九霄彭明輔等揀精兵附上下緣崖猿攀相引上拔其外柵縱火焚賊廬舍三十餘間擊斬百餘人賊死戰禦之兵不得深入遂斂衆退復採木製陽橋戰樓高與賊寨塔約樓近可攀登者會夜分雷雨大作諸軍覘賊不備昇前攻其附崖土兵先登官兵繼之斬關拔柵入縱火焚賊廬舍烟焰蔽天四面夾攻至天明賊不能支乃退奔入後山復據險爲寨後山峻陘尤甚諸將督兵進駐重險間二十二日乃復兵崖下令都指揮王言同嚮導陳良等山半誘之賊衆持鏃弩下山迎敵號舉伏兵四起接戰數合賊復奔據山絕頂拒守益堅諸將用嚮導土人深知賊山後頗有林木藤蘿可懸拽梯組數處乃先遣人入寨與約至日令百戶邵剛吳隆于山前招賊酋與語撫之使命往復故延久賊果聚衆前山觀聽山後備弛諸將乃督兵以攻其陷所探諸處齊登賊衆覺倉猝拒戰官

西蜀圖志

卷之八十一

十四

兵已奪險遂奮擊賊不能禦乃大潰官兵乘勝入擣崖峒擒賊首阿傍等斬首及俘獲甚衆

姜儀字君肅號脩溪南昌人正德甲戌進士歷官右副都御史嘗爲湖廣副使任彬桂時洞庭寇大爲民害公令魚艇悉爲保甲而出己橐賸財代爲課輸賊起聽其議附而擊之寇之所有盡以償勞官司不問由是衆心競勸遂公約束計不勞而湖水陸平矣

陳克宅字卽卿餘姚人正德甲戌進士嘉靖十四年任湖廣左使巡撫貴州先是都勦苗阿向與土官王仲武爭田構殺仲武出奔阿向遂據凱口圍爲鷄固圍十餘里高四十丈四壁陡絕獨一徑尺許曲折而登上又有天池雖旱不竭積糧可支五年變聞克宅與都督僉事楊仁調水西兵勦之言慰使安萬銓素驕抗不法邀重賞乃行提兵萬餘屯固下相持三月仰視絕壁無可爲計獨東北隅有巨樹斜科偃蹇半壁間然去地二十丈許萬銓令軍中曰能爲猱上絕壁者與千金有兩壯士出應命乃鍛鐵鉤傳手足爲指爪人腰兩微一劍約至樹梢足卽垂微下引人帶銃砲長徵而起候雨霽夜昏黑不辨咫尺時爬緣而上第微聞刺刺聲俄若崩石則一人墮地骸骨泥爛矣俄而長徵下垂始知一人已據樹乃遣兵四人緣微跨樹間壯士應命者復由樹間爬緣而上至巔頂適爲賊巡檢者鳴鑼而至壯士伏草間俟其近揮劍斬之鳴鑼代爲巡檢者賊恬然不覺也垂微下引樹間人樹間人復引下人累累而起至巔者可二三十人便舉火發砲大呼曰天兵上巔矣賊衆驚起昏黑中自相格殺死者數千人奪徑奔下失足墜崖死者又千人黎明水西軍城附上圍克宅令軍中賊非格鬪而擅殺及黎明後殺者功俱不錄自是一軍解體相與竄路走賊阿向始共其黨二百人免圍營一空焚其積聚乃班師而以三百官兵戍圍月餘阿向復糾煽土黑苗襲圍盡殺官兵克宅欲勒兵勦之時僉事田汝成飭兵恩石閱之乃獻書于克宅曰凱口餘孽復肆猖狂剽掠今日賊勢與昔殊科攻伐之策亦當有異往者一二梟獍負其窟穴草竊爲奸者皆內儲糧糧外翼黨與包藏十有餘年迺敢陸梁以延歲月今者諸賊亡命之餘憂在溝壑冒萬

西蜀圖志

卷之八十一

十五

禦既周奸謀益窘必甘詞納款以丐殘息目前雖可安帖他日必復萌生則招撫之說不可從也虧見胥人狃于說道欲出其不意以徼一獲彼既鑒于前車我覆襲其故轍不惟徒費抑或損威則偷固之策不可

不拒也茲數者雄略必有成算而疏腐之識敢効區區者休戚同情不敢避越俎之嫌至于事平之後經營猶煩夫凱口雖微亦詳細之臣阨也崇山密箐磴道迫隘兵不得橫鋒人不得並躅迺遣一二渺小之官提數百不練之卒星散其間豈能持久往者爐山之變亦甚縱橫幸蒙前例刊木鑿竇夷其險棘開屯設所經營數年始得寧謐則今日凱口之議似不當出爐山之下也土官王仲武始以縹弱失其疆場頃蒙上官之力以保宗祧雖百口捐軀猶難報稱迺今哄然而稱逆者因其部落之遺也旣不能宣布德化俾彼投戈又不能率其左右心腹之雄先鋒効力是爲失職之臣與叛逆無異若復仍其名位錫之土田是右姦而獎亂也竊論此人當褫爵削職移其族屬列之氓伍開設繫治衛以軍屯若以勢有不行法姑稍假亦當暴其罪過聲諸市閭重加徵罰庶

威振法覃協人心而伸國法也克宅閱書不省集三省閭計參將李宗祐曰是未可以猝破也囊賊負固久矣屢招屢叛狃以爲常故渠魁無必死之心黨與有求生之望觀隙掩取以計勝非力剋也迺今諸賊憚于剝蠶之餘憤懣而集棄殊死以待我我軍新罷負擔未弛營斷未舒強馳而起之氣鼓不作以棄死之虜桀強使之軍難以濟矣克宅笑曰君何怯也吾將乘一騎勦一人五日而取之宗祐曰公言何易公獨不聞窮寇者勿逼乎一盜橫戈于市則萬人辟易非一盜能僵萬人也必死與有生非偶也故利有所不角害有所不除知己知彼百戰不殆迺今彼我不偶矣故曰是未可猝破也克宅曰兵貴神速不奇巧遲故避實擣虛桀勝者馳挫銳者披譬之破竹有餘刃矣緩之賊且完壁儲餉益難爲功宗祐曰不然兵法有之奸謀而成恭敵無涯故將不可驕而勝不可狃也蒲騷之役卒狃莫敖定陶之師竟驕武信公欲以破竹之勢方之乎吾以爲未若強弩之末不能穿魯縞也克宅艴然曰李君一何管廟我也乃強檄宗祐宗祐不得已以軍往賊果殊死禦我軍我軍

敗績賊遂擁宗祐去克宅大懼以千金賂賊贖宗祐出之事聞克宅謂應天聽勘勒安萬金勸之萬金乃招阿向許以不死責王仲武均其田而亂始息

周布政津嘗爲瑞州府太守先是上司凡盜起必責捕盜官錄此畏罪不以聞破成大患公上書巡視都御史林公後謂寬巡捕之法重獲盜之賞盜乃可弭謂漢時郡國多盜聽其自相斬獲以除其罪吏追逼回避者勿論惟以擒討爲効此策今正宜用林公從之其後賊首王武果擒其黨劉洪等若干人林公深加嘆賞久之訛傳將劫獄一日報三四至官吏士民奪竄一空獨公與捕盜通判甘文紹堅守不動號召民兵以爲扞禦日遭卒入獄防變文紹家僮殺死囚四十七人時有銜公者遂加羅織文紹亦因以歸罪于公坐是繫獄兩易寒暑自以身爲正官宜獨任之無一語以及文紹瑞民擊登聞鼓訟冤事下兵部司馬劉公大夏覆奏得旨還公原職

林司寇俊正德□□年嘗巡撫四川時藍鄆之寇方劇公陳師鞠旅頒

軍令數四將致賊而撫之忽報賊將攻保寧巴州卽取道救之猝遇賊于華壘單騎直抵其巢宣朝廷德意示以禍福賊頓首伏地公曰吾撫汝賊羅拜而謝約日請降旣而淫雨溪澗賊失期疑阻遂分黨將謀據州縣要害川兵脆不能支公取將領等命斬以徇旣而貨之諸軍股栗皆願立功自贖于是連戰皆捷賊衆披靡人畜死者相枕籍渠魁多授首捷聞降勅獎勵時兩川所在皆賊衆四十餘萬公督兵追勦凡戰皆捷擒斬數千級俘獲無算已而江津賊曹甫復起公聞報馳赴辛未元日乘賊醉無備乃夜半蓐食銛杖而往圍而燒之遂斬曹甫前後所得賊級又千數百人

正德七年五月賊劉六等渡棗林夜渡鄧龜三百人遂奔河南從光山確山奔上湖廣棄馬登舟沿江掠聚其黨復盛至七百人賊至陽邏圍風湖廣巡撫都御史馬炳然攜家赴官賊遇之于爛泥鋪脅與俱至南京馬怒罵之遂遇害虜其家人旣而劉六爲風折檣擊死于水其幼弟數人亦死惟劉七齊彥名訴流劫掠八月劉香等仍泊狼山下其黨以

續修四庫全書 子部 雜家類

一〇

失地利相怨或墳逃去劉七與其妾丁氏阮氏競二婢乘劉醉逸入通

州守兵執之賊令狼山寺奴持書來索婢不與遂率衆二百餘來攻我

軍擊之賊退入船是夕大風發舟數掀播晝夜不息風烈甚數十年所

無賊船皆解散漂墮僅存八船其衆顛踣不支賊在船不能坐臥自相

擊撞僵殺狼藉互相怨詬已有自戕之謀蘇人有應募獻計用火攻其

名水老鴉藏藥及火于礮石中發之又爲具名如鳥喙持之入水以喙

鐵船而機發之以自運轉透船可沉試用之已破丁船乃米舸不曾傷

賊退將復爲之賊檢察知之謂江南兵能水中破船是神兵也益駭絕

乃登山團聚或下崖散遁輒爲通州諸處守兵所蹙通州最與賊密切

而守吏亦特嚴整夜三更副總制劉輝帥遼東兵千總官任重帥大同兵

游擊卻永帥宣府兵與諸從校並進與守兵齊集未刻與賊戰我軍聲

鼓震天風火交熾賊披靡躡山顚古垣憑高控險鎗矢瓦石雨下鏖戰

賊初不識山路火勢旣逼僨行居人逸出賊或從之上下得路而我軍

方奮勇倍前日加申劉副總引其部將張椿薦率高雲李春美韓徵等之

誓死決戰分軍爲三劉在山北卻在山南皆戴盾距行而上手施鎗敵

且上且攻盾上矢集如雨將士有被數箭死數人者不退遂奪其垣賊

墜崖死者無數其餘先已具詐匿山下以備竄逃至死冤嬰谷下山欲

上船而船中人已滿不容入進退無地劉副總兵列岸下百矢齊發官

艦中亦驟矢并集劉七勢急遂赴水死彥名爲宣府遊兵十旗張鑑取

首劉副總兵擒斬餘賊截沉水賊級有逸而北者高雲追斬之皆盡

已夜息兵甲午旋師高岱曰國家二百餘年盜賊倡亂未有甚于此寇

者侵薄兩畿蹂躪數省距漢黃巾何加焉其卒盪定者祖宗之澤慶天

命之眷祐耳當時諸臣所以控制之略未見有持必勝而得萬全者始

焉馬中錫張偉固已失策玩寇而縱之陸完谷大用毛銳等視中錫輩

何彼此耶成敗遲速幸耳及中錫等下獄論死而完等封拜崇顯是烏

足爲賞罰耶要之摧敗賊鋒者諸邊卒之功而勸捕盜平者各守臣之

力其驕鷙中原身當其難則彭澤之勞勳似不可誣而皆賞格所後也

雖然幸賊無豪傑遠圖耳使二寇據形虜按紀律相爲犄角豈完等之

所能制哉若去鈞州城不攻而入泌陽掘焦芳先墓則公論在盜賊亦有之孰謂其無良心也

連江吳公□既即家起拜御史大夫兼少司馬盡護嶺東西諸將公

至軍悉集諸將策先其重者于是嶺右之府江大同江繩與王樂昭平

永安荔浦之猺構而爲亂已金鵝松柏深塹之猺復蠻亂公前後發兵

蕩平之斬首垂二千俘賊屬三百有奇聽撫者千餘乘已奏聞膺上賞

諸猺服公之威神而感其德只咸祿面拱手以請旦夕之命而獨嶺左

之惠州曰岑岡其先故浰寇池仲容之支藪也當王文成公守仁之誘

擒仲容也悉殲其黨二十四巢而獨岑岡之一巢最險遠不可下王公

業使就撫取羈縻而已巢之酋曰李鑑鑑死其子文彪繼之以詐力驅

使諸巢亡敢不服而有所任以爲謀主者曰江月照尤獮黠嘗出劫掠

敗王師執倅司理萬戶以去南贛之持節者討而僅勝之文彪跳九蓮

山失妻子尋還故巢鳩其亡散復振官爲歸其妻子乃稍定文彪死月

照妻其故妻子其子威焰踰于文彪時嘗據贛郡倅之接壤者已剽劫

卷之八十一

西蜀開見錄

商頌已又多觀其黨之自遠者事稍露吳公怒曰撮爾猺敢干天子

之威命以荼毒我生靈謂惠州守黃時雨汝司察治月照聞而懼遂稱

兵以其紀綱之儀據险喉咽之其旁舉之有力者羽翼之僂巧者耳目

之守廉得其狀以聞公公乃屬藩參贊臬副某守時雨將軍夢經等練

卒蒐乘分布要害曰胥後令仍屬藩參及守縣購榜聚曰棄月照自歸

者赦而罪能以月照來者軍正議賞賞同首功諸舉譽應緣月照道服

毒死致其尸餘寇李珍等因成資據險自固時時出剽掠公檄諸軍夾

攻賊度勢不支由間道出江西之龍南定南等處師尾而急擊大破之

俘斬二百四十有奇餘墜崖斃死者不可勝數捕賊從千五百人皆釋

弗誅設賊田幾五千畝以予屯卒捷聞吳公及諸君賞賚有差惠州守

與其父老相語桶岡四塞天險爲諸夷最以王文成之宏略擁百勝之

兵乘破竹之勢而不能得志于彈丸赤子之地六十餘年來其人不復

知有三尺法甚者如夜郎王謂漢孰與我大也吳公不費尺寸斗糧坐

據其兜齒如一孤豚而後揚兵脅諸黨衆俟其出而尾擊之百世之巢

穴一日至盡空然不以多殺爲嫌傳千五百人之脅從悉保其首領何吳公之智且仁也

萬夫長易俊原獨恃驍勇與麾下數十人遁入山谷保險自固郡邑患者之江陰侯吳良承詔求餘寇已移檄旁縣兵且集召德基計事德基曰易氏未有反狀奈之何檄之使生變乎不若先以計致之果反用兵未晚也否則出兵無名民先受其害矣顧君侯熟慮之俟曰令之言然吾爲令徐之德基乃屏吏卒步至山谷中抵俊原家空一老人出待客德基謂曰易俊原出見江陰侯則無事矣今不出大兵且至一縣民皆爲齋粉然殺一縣父兄子弟者易俊原非縣令也老人曰俊原必出惟明府哀憐之德基認曰俊原或未肯來得其子及麾下三四人先往可免矣明日其子及麾下至如德基言兵不發旣而盡致其麾下惟俊原一人度兵勢孤乃招之曰君侯顧與俊原相見俊原喜詣軍門請見遂縛送京師事平軍民安堵無擾

卷之八十一

西園聞見錄

二十一

潘少司馬希曾嘉靖乙酉嘗提督南贛軍務時浰頭餘黨曾蛇仔等七黨並與大肆毒瘤遠近震恐公發諸路兵夾勦賊大懼願撫且變通判董鳴鳳以要公曰此賊故智耳昔人常墮其計容復陷乎乃下令曰審其脅從者分配內道通判卒獲全公制變法機奇中折衝博俎之間判自償事不足恤有能擒之出予弗死益督進兵力戰賊大敗渠魁生而親臨戰陣者威弗若也至功獻捷初弗張皇謂臣子効勞期于成事而已希賞非所志也故紀述勞勤多歸之人其俘獲稍涉疑似卽不以報會據更白故事宜納照不者功雖高不賞公曰我寧無功耳奏上會召爲工部右侍郎迨論功竟弗及焉

陶少司馬諸嘗提督南贛等處軍務時連州大帽楊旗等山諸賊據天險結石柵懸琅木機毒矢兵至如雨下不可近公選銳卒二百婦人服挾短兵背繫竹筒貯火藥具以爲號夜援藤上揚旗焚蘆舍草木大兵鼓噪山下聲震天地賊驚潰相蹂擊二百人從中辟之遂盡破大帽嚴

塘等諸寨殺僞無敵王文興隆僞都督總兵林宗福等有名賊首三十三級擒斬千九百七十七名類俘獲千一十七名口投降新民三百八十三戶公總督四年餘凡六出師皆大捷每發兵諸將授方略而行及其成功也不爽毫髮誠所謂沈謀可以掩著察勝氣可以奪鬼神矣百

餘年來言平寇者未有若是之速而獲功之多者也國有彝典卽封拜不爲過否亦得進秩序庶乃僅僅酬以金帛而已人言當路者以公特功弗求疑于慢乃廢兩廣缺總督擢公少師馬兼台秩往蒞之先是羣盜益憑恃險阻聯結州縣甚至僭號署僞官不知有朝廷矣數十年不能平公至召諸爲賊苦熟彼中狀者密訪之更遣幕下敢死士俱與遍入賊巢盡圖其險易虛實以歸公一覽賊在目中曰不難也但念海賊忽無定須先勦之乃作灣尾巨舟于番禺海濱計必來焚我新舟伏水飄兵以待賊果至大破之溺海死者過半殺賊謀主陳邦瑞于波羅廟餘散去許折桂窮蹙乞降得丁壯千八百有奇分遣之乃征平南破石馬仙台花相等山寨擒斬雷公招渠魁百三十六名類生得四千五十

卷之八十一

西園聞見錄

二十二

一名口潯州以寧時壬辰八月也于是親督兵悉力于東西山按圖刻期四路分擊使不得相救盡破巢寨一百二十五處擒斬趙林花等有名賊首八十三級斬獲從賊七千五百有奇德慶陽春等寇悉平分屯設守而還甲午勦瓊州黎佛二等一百四級降從賊一千一百一十有奇撫處巢峒五論者以朝廷報功未稱不知公盡職爲安豈望因心澤哉

續修四庫全書 子部 雜家類

西園聞見錄卷之八十二 目錄

西園聞見錄卷之八十二

兵部三十一

嶺南張蒼孟奇甫輯

勦捕下

往行

蕭東潭	姚鑄	茅坤
張岳	龔輝	應楨
殷正茂	劉顯	劉自強
章熙	許應元	楊逢春
熊桴	劉廷	陸穩
吳文華	史記動	朱英

兵部三十一

勦捕下

往行

蕭方伯東潭公嘗知瓊州至瓊值黎佛二之變往歲瓊人犁田而懼其逼聚兵護耕歲四更番率五百人兵寄溪洞半疫死而黎數出攻劫莫制至是城二殺官吏據村堡勢張甚督府欲以大兵蹙之公曰據係未歸而急之是促其死也吾旦觀之兵而擣其黨庶可乎乃遣人招降十人村至則厚其餉勞善諭之察其尤雄桀者倍與衣服器物寄心腹語令歸所虜生口別授方略密擒佛二以自效佛二素雄桀手挽彊弩三百斤人莫敢近降者既受戒慮賊逸無以解口乃陰導官兵設伏諸隘而身給佛二以走俟稍倦分負其刀弩諸械旋走隘至則伏發因成擒

西園聞見錄

卷之八十二

目錄下

佛二旣得以大兵綴之諸酋恐奉約束輸稅者四百餘戶歲省防兵二千計永淳令激滌里賊爲變日薄賓州公爲右江兵備以兵請于督府不聽因自計曰此斷之我者也旣謀其虛實出沒而是時思恩土兵適罷古田之役遂檄以從更摘他兵佐之據險深索處潘公廣韋公抱等一百七十有奇俘老幼六百籍所捕獲給軍餉而出其羨以報督府督府口雖壯之實嫌其異已不以捷聞公在瓊擒佛二無所序至是復見沮抑一不爲意且欲乘勢以兵臨八寨招藍昇降八寨本南丹屯地爲縫所據朝廷分縫土酋羈縻之然恃險遠數出爲患至是藍昇聞滌里之捷自懼禍及因請內附當事持勦撫守三說不能決公上議以爲受其降而襲之兵減讞而疑衆信其降而忘其備法弛而招侮先以撫守二說俟有他變徐制其後可也于是納其請以屬思恩密建屯營遣兵列戍梗其出入而右江漸以無事陽明王公田州之役旣降府爲州處岑猛孫芝幼不可立立其季子邦相爲州官頭目盧蘇爲土巡檢統其衆邦相忌芝爲後患而蘇素號悍利立幼且樹黨思兩除之蘇覺族芝